



**2<sup>DA</sup> SESSIONE URDINARIA DI U 2023**  
**REUNIONE DI I 5 È 6 D'UTTOBRE DI U 2023**

**2<sup>EME</sup> SESSION ORDINAIRE DE 2023**  
**REUNION DES 5 ET 6 OCTOBRE 2023**

**N° 2023/O2/061**

**Question orale déposée par Marie-Claude BRANCA**  
**Au nom du groupe « Core in Fronte »**

**OGHJETTU :**      **FEDERAZIONI 2A e 2B ADMR AUDIT, AVVENA È PERSPETTIVI**

Sgiò presidenti,

Ugnunu cunosci indè no u rispettu chi purtemu à i nosci vechji. Ugnunu sà dinò a leia chi avemu incù i nosci famiddi, e l'aiutu chi si devi dà à i piu debuli .

Oghji, par via di i mutazioni sociologichi e muderni purtati e ancu imposti d'altrò, poc'à pocu s'hè trasfurmata sta leia culturali chi assicuraia a piazza di i nosci anziani.

Hè in stu cuntestu chi ci voli à situà e capì l'impurtanza di tutti sti associ chi pирmettini u mantinimentu à casa di i parsoni cuncirnati, vecchji è ghjovani, è andicapati in tutti i pievi di u nosciu paesu.

Oghji sta funzioni trova piazza in cori d'un accrescimentu dimugraficu, par maiò parti inghjineratu da u soldu migratoriu, sapendu chi u soldu naturali hè negativu. L'aghjenti so concentrati par maiò parti in i spazi urbani. U mantinimentu casanu tocc'à 9 parsoni nant'à 10 contr'à 8 nant'à 10 in Francia. Rappresenta 29 % di a pupulazioni tutali contr'à 25 % in Francia. Par u 2030 rapprisintarà 128 000 parsoni, volvlli 38 % in piu.

L'urghanizazioni di stu mantinimentu in casa dumanda da a noscia parti un invistimentu di i piu rigurosi e di i piu chjari.

Si sà chi dapoi u 2018, a Cullettività s'hè impegnata à dà à i servizi d'aiutu casanu arnesi e mezzi. Si sà dinò chi tinendu contu di u custattu fattu annant'à st'azzioniè i sfarenti strutturi e associ chi riempini sta funzioni hè statu cummandatu un audit.

L'audit ha missu in rilievo i dubbiti e i timori spressi ancu chivi nant'à u funzionamentu di a Federazioni « ADMR » 2A e tutti l'associ chi travaddani à l'ingiru di sta federazioni.

I dubbiti e i timori nant'à a gestioni finanziaria, nant'à gestioni di u parsunali è a pulitica salariali, e di fatti nant'à l'avvena di i curi par tutti l'aghjenti chi ni hanu bisognu.

Tinendu contu di l'impurtanza di stu sirviziù suciali, midicali e culturali in u nosciu paesu è di u numaru di l'aghjenti impiegati, tinendu contu di natura associativa (leggi 1901) incù scopu micca lucrativu, tinendu contu di i cunvenzioni culletivi, tinendu contu di l'aiutu finanziariu purtatu da a Culletività di Corsica, e tinendu contu di l'audit cummandatu, vi dumandemu :

A chi ni semu di l'audit cummandatu e parchi par avali ùn si ni senti parlà ?

À chi ni simu di u vosciu parè nant'à l'aspettu urganizaziunali, finanziariu e ghjuridicu di i federazioni 2A e 2B ?

Qual'hè u vosciu avvisu nant'à pussibilità incu vulintà di rispond'à i punti specifici di mudirnizzazioni, e di assicurà bon'funzionamentu e bon' finanziamentu stu sirviziù specificu incu a so tarritorializzazioni sott'à rispunsabilità di a Culletività di Corsica ?

Vi ramintemu chi di dicembri di u 2021 vi seti impignatu à dà ci i risultati di stu audit parlendu à tempu di vigilanza...

À chi ni semu veramenti oghji ?

À ringrazià vi